

清行頓首謹言、交淺語深者妄也、居今語來者誕也、妄誕之責誠所甘心、伏冀尊閣特降寬容、某昔遊學之次、偷習術數、天道革命之運、君臣廸賊之期、緯候之家、創論於前、開元之經、詳說於下、推其年紀、猶如指掌、斯乃尊閣所照、愚儒何言、但離朱之明、不能視睫上之塵、仲尼之智、不能知篋中之物、聊以管穴、伏添橐籥、伏見明年辛酉、運當變革、二月建卯將動干戈、遭凶衝禍、雖未知誰、是引弩射市、亦當中薄命、天數幽微、縱難推察、人間云爲誠足、知亮、伏惟尊閣挺白翰林、超昇槐位、朝之寵榮、道之光華、吉備公外無復與美、伏冀知其止足、察其榮分、擅風情於煙霞、藏山智於丘壑、後生仰視不亦美乎、努力努力、勿忽鄙言、某頓首謹言、

昌泰三年十月十一日

文章博士三善朝臣清行

〔日本新國史十二 諸國瑞祥妖災〕同翻○ 醒昌泰三年庚申七月、彗星當七星之柄、文章博士三善清行密覽天妖彗星、當星柄者、知有賢臣之災、稟之明歲、辛酉之支幹、而天道革命之運也、清行與菅大臣眞道爲良友同志之契、故投簡云、彗星當斗柄近革命之運、鴻宰知之否、可知不知之、臨運之基也、菅家登庸之例、以鴻宰爲最、宜表去天文密學之幸、爲良友之益、於今知之、終有延喜之時左遷之災、

〔本朝世紀〕康治二年九月廿六日己卯、左大臣源召權少外記清原重憲仰曰、明年甲子當革令否、宜仰明經紀傳算曆等道、可令勘申者、

〔革曆勘文〕勘申 明年辛酉當革命否事

易說曰、辛酉爲革命、甲子爲革令、鄭玄曰、天道不遠、三五變六、甲爲一元、四六二六交相乘、七元有三變、三七相乘、二十一之爲一蔀、合千三百二十年云々、

就此說案其意、參議清行朝臣、延喜元年勘文、以本朝神武天皇元年辛酉爲一蔀、孝昭天皇六年庚申爲一蔀、終合千三百二十年、以此次年同天皇七年辛酉爲第二蔀、首次以延喜元年辛酉爲第二蔀初之四六、中間二百四十年、此歲有菅丞相事、以前徵應皆見彼勘文仍不重註進、仰彼清行朝臣